

Herri arteko egiturei buruzko jardunaldiak

«Frantziak bigarren dezentralizazioa» behar duela dio Vaillant Barne ministroak

Lamassourek esan du Iparraldeko herri ttipiek elkarrekin lan egiten ez dakitela

Hur Gorostiaga / Miarritze

Ipar Euskal Herriko barnealdeko herri tipiek «elkarrekin lan egiten» ez dakitela adierazi zuen atzo Alain Lamassoure BAM hiri elkarteko buruak. Frantzia eta Espainiak Gipuzkoarekin lan egiteko ezartzen dituzten trabak salatu zituen. Bestalde, Daniel Vaillant Frantziako Barne ministroak bigarren dezentralizazioaren beharra azpimarratu zuen.

FRANTZIAKO ESTATUAREN gaur egungo egitura «nekazari estatu bati dagokion egitura» dela adierazi zuen atzo Marc Censik, Frantziako herri arteko egituren arteko elkarteko lehendakariak (ADCF). «Etorkizuna herri arteko egiturak osatzea da, eta 2007. urterako Frantzia osoan herri arteko egituren arteko ehuna osatu behar dugu, herri bakar bat ez dadin egon bertze herriekin egitura komunik osatu gabe», azaldu zuen Pierre Mauroy lehen ministro ohiak.

Ipar Euskal Herrian Baiona, Angelu eta Miarritze dira herri arteko egituren aitzindariak, eta heldu diren urteetan Hendaia bitarteko kostaldeko herri guztiek batu behar luketela adierazi zuen Alain Lamassourek. Ipar Euskal Herriko barnealdeari buruz, aldiz, «herri arteko egiturei dagokienez hutsune garrantzitsua» ageri dela adierazi zuen. «Indibidualismo gaitza dago. Herriek ez dakite auzoekin elkarlanik egiten. Modernitatean sartzeko, auzokoekin elkarlan harremanak behar dira, eta ez etsaigo harremanak», adierazi zuen.

Gipuzkoako Diputazioarekin lantzen ari diren harremanei buruz, bi estatuek ezartzen dituzten trabak ere aipatu zituen, eta «mugaz gaineko harremanak garatzeko ikuspegi dezentralizatua» behar dela gaineratu.

Bigarren dezentralizazioa

Censi, Mauroy eta Daniel Vaillant Barne ministroak «1981.



ANGELA MEJIAS

Alain Lamassoure eta Daniel Vaillantek parte hartu zuten arratseko hitzaldietan.

urtean hasi dezentralizazioaren bigarren aroa» abiatu behar dela adierazi zuten. «Hezi gaituzten kultura jakobinoa alde batera utzi eta gauzak behetik gora egiten ikasi behar dugu», adierazi zuten. Herri arteko egiturak indartu

beharra azpimarratu zuten, «emeki-emeki gaur egungo egiturak, departamenduak eta eskualdeak eraldatuko dituztenak, iraultza lasai edo isilaren bitartez» Vaillantek esan zuenez. Horretarako, herri arteko egituretako or-

dezkariek sufragio zuzenez hautatuak izan beharko dutela berretsi zuten —egun ez da hala BAM hiri elkartean—, «eraldaketa horretan herriak ezabatu gabe eta herrien interes zein beharrak bazter ez uztea kasu eginez».

«Gatazka sozial etengabea»
elkarriketarekin
gainditzea eskatu
du Garaikoetxeak

■ Abertzaleen aurkako
«gurutzada» dagoela
deritzo EAko buruak

Erredakzioa / Bilbo

CARLOS GARAICOETXEA Eusko Legebiltzarrean EAK duen bozeramaileak atzo arratsaldean Bilbon adierazi zuenez, «ETaren atentatuek eragindako giro emozionala baliatuta, euskal abertzaletasunaren aurkako gurutzada» dago indarrean. Garaikoetxeak hitzaldia eman zuen La Bolsa auzoetxean, eta aipatutako gurutzadak «gatazka sozial etengabea» eragin dezakeela adierazi zien bertan bildutakoei.

Garaikoetxearen aburuz, gatazka hori gainditzeko ezinbestekoa da «mugarik eta bazterketa-rik gabeko elkarriketa eta negoziazioa», eta baita ETak eta Gobernuak euren jokamoldeak aldatzea ere.

Bestalde, EA barne hartzen duen Aliantza Libre Europarreko (ALE) buruzagiak Bruselan bildu ziren atzo, eta hiri horren izena daraman manifestua onartu zuten. EAJ ikusle legez egon zen.

EUSKAL PIEL

TIENDAS DE MODA

Baracaldo/ Barakaldo
MaxCenter, A-51

Bedia
Bº, Murtatza, s/n

Bilbao / Bilbo
Correo, 16

Pamplona / Iruña
Zapatería, 39

San Sebastián / Donostia
Getaria, 20

Vitoria / Gasteiz
Independencia, 34

Horario Bedia

De Lunes a Sábado
de 10 a 20 horas

Festivos:
Abiertos por la mañana

